

四庫全書

集部

欽定四庫全書

繼志齋集卷三

明王紳撰

五言古體詩

送王元采大尹之漢陽

關

欽定四庫全書

卷三



--	--	--	--	--	--	--	--

欽定四庫正書



繼志齋集

皇崇孝理立愛方自躬聞之重垂憫伸恩全至公精誠  
帝心格孝悌神明通作詩紀其實庶以昭無窮

和韋蘇州韻送潘德因

客行有程期持觴不復待引領望天台解維發淮海  
杳雲樹蒼悠悠歲時改願子勿遲留高堂華髮在

送劉虞歸省

扁舟乘天風冉冉衝烟霧朝坐龍江發夕向牛渚去  
壯遊屬明時故人渺何處高堂鶴髮新遲子慰衰老

送王仲修

念子遠行邁匆匆不復住短檣蕩風濤孤帆眇烟樹  
行

色波上鷗歸思風中絮矯首感深恩成都在何處

會友軒為朱顯忠千戶作

投戈幸無事盛時多宴閒軒居謝塵俗下榻延儒冠日  
夕衆賓集剪燭春夜闌知己摠雲萍同臭紛芝蘭人生  
貴有適油油足清歡但得簪常盍肯使樽中乾倉庚鳴  
牖外白鷗泛波間支頤玩羣動相期盟歲寒

送呂貴行還會稽

平生栖遯志逍遙聊自足胡為中年來馳驅遍原陸王

事亦靡鹽青春去不復衰病忽已侵詣闕陳衷曲有詔  
許歸休翩然返初服三逕迹未荒一身計堪卜田園成  
日涉桑麻長新綠藹藹遠塵紛忻忻遇童僕春雨膏石  
田秋風被茅屋林塘足佳趣何須羨盤谷

贈紫陽周羽士

我家在金華居近赤松側赤松有山人云是蓬壺客服  
食惟紫霞叱咤起白石至今千載下在在存遺迹春暮  
桃源深天空海雲碧幾欲叩其門奈此塵凡隔飄颻紫

陽生靈臺湛虛寂彈指驚鬼神妙用麾霹靂滄洲與赤  
城乘鸞恣遊適真侶會因逢煩君致吾臆

茲蒙聖恩追錄先德當贈誥渙頒之日適余生  
初度之辰悲喜交中輒形咏嘆是用錄呈同  
志共作榮觀

弱齡志家學黽勉事討論顯揚恨無術惻惻長抱辛今  
歲倏四十勛勞在茲辰寵光適下賁沛及沒與存易名  
錫美謚贈誥頒紫宸片言重山嶽卓彼雲漢文悲喜集

中懷慶慰來上賓匪徒事夸耀大節從此伸鞠躬謝蒼  
旻何以酬明恩君親兩母忘不負六尺身

書林萬卷樓為張旻作

結繩治已遠人文日漸開素王重垂教六籍森昭回後  
來厄羸運一旦成劫灰百家乘時起衆說相喧阗汗青  
不足紀浩浩山岳堆紛焉眩人目長短誰能裁張生紹  
家學結屋崇川隈牙籤列萬卷大貝駢瓊瑰唐虞世斯  
在周孔道盡該繙閱得妙理培養成令材石渠終寂寞

鄴侯安在哉茲樓幸無恙擬作書林魁

題李氏歸盤谷卷

清江李氏子遐栖蹈高躅蕭散類輞川幽深若盤谷榮華絕外慕漁樵聊自足終此繼家聲其樂矢弗告

杏林生意為王克讓作

南州春候早陽和被羣植灼彼林中杏芳妍賁嘉色燦爛曉霞舒可與桃源敵王生抱奇才存心樹陰德疲瘥藉旋斡回生詎千億種此訓深恩歲久日復益神功馴

猛獸雅趣慕仙客持是濟利心何時出鑿國

送張磐石尹通海十二解

昔在涪灘歲應聘入西蜀六年坐臯比取友日滋足

解一

雲萍固無限膠漆終難尋高山流水操犖犖稀知音

解二

臨邛有佳士皓首富經史一見雙眼青忘年等兄弟

解三

論心濯錦江握手浣花溪詩篇與酒竿過從不計時

解四

虛名忽上達辟書自天至遙遙惜別情洒洒傷離淚

解五

竭來蒙國恩備員居成均強顏縉紳後鞠明仍究曠

解六

子時攬時事抱策獻閭闔廷議方見從謂可即施設

解七

朝家重民寄守令須老成滇南固云遠郎官職匪輕

解八

浩歌金陵市慷慨成激烈念舊詎能忘把袂不忍別

解九

停雲覆鍾阜商飈鳴鳳臺居人感羣物壯士有遠懷

解十

要荒囿幅員羌棘同赤子恩信隨所施撫摩先愷悌

解十一

解 移栽巴東柏旋植河陽花往軌幸可踵秦越方一家

解 十二

處靜軒為饒季明賦

太虛屏蒙翳森然羅萬象澄淵能鑑物妍媸如在掌  
倏焉遘風雲對面成惆恍靈臺本熙熙微妙復虛敞  
明與日月同量比天地廣情欲或來牽居然蔽塵網  
伊人事清修飄飄脫羈鞅恬淡百慮消端居志瀟爽  
每憐牛山水戕伐無時長力探作聖功處靜以自養  
懷哉太極翁千載絕遺響茲軒著嘉名勞我重嗟賞

一樂堂為徐奇上舍賦

世間有一樂富貴非所論紛華及盛麗寧復過大倫  
椿

宣秀遲暮棠棣明陽春熙臺淨無滓盎然和氣臻此事  
衆所慕欲求渺無因美哉徐氏子獨爾鍾其門鶴髮被  
台背高堂具二親丹桂聯清芳籍籍難弟昆春酒介眉  
壽埴簾秦南薰怡然大塊中煦煦全天真

送方玄璞還天台

商飈動秦淮木落天雨霜相見即相別歸興何倉皇謂  
言有慈母星星在高堂定省久已曠手把連環將晨興  
戒行李趣上江上航片帆入烟霧指日過錢塘天子急

求賢夢寐思才良宸衷期上格賚弼自彼蒼旁求藉形  
像精藝終難藏行當應丹詔載筆趨明光

寄養拙

皇風布清穆四海臻泰和故家有喬木生意鍾近柯朝  
擢藝苑秀暮涉文淵波六籍既淹貫百氏仍爬羅涵蓄  
渺無涯蜚聲應鳴珂超然謝榮名端居閱義娥處靜恒  
自足樂道匪有他由來重交誼許我常相過明月照長  
干懷人發浩歌幾回清夜闌夢繞秦淮河

送萬載主簿舒懷慶

嚴冬十一月木落天雨霜有客捧除書遠道之宜陽青  
年富文學鼓篋居上庠蜚聲邁羣英華華雖處囊一官  
職勾稽枳棘栖鳳凰行遠必自邇出奇無循常古來賢  
達士耿耿勲名芳上致君主聖下使斯民康勗哉崇令  
德冀爾光吾鄉

十一月二十夜夢子嚴外兄

己卯歲

自慚孤陋資落落素少偶緬懷骨肉親惟此知心友駭

童藉師資相期同白首論情漆在膠談道杵投臼死生  
成契闊意氣竟誰負今夕復何夕重把平生手悲喜形  
笑談涕泗被唇口始欣情思真稍悟永訣久焦鹿既莫  
憑壑舟去難守招魂覓巫陽孤月在鍾阜

送袁景先歸老還鄉

十載服官箴萍蹤等浮雲勲名雖未就歲月不待人  
駸駸遍繁冗白髮生苦辛上疏乞骸骨詔許歸故園鵬程  
邈難到鷗盟良可馴歸歟尋舊隱超然離塵紛龍江歲

華晏驛道梅花新湖山舊風月遲子來相親

謁卞將軍墓

忠孝實大節一門全者稀桓桓卞將軍父子兼有之伊  
昔晉祚衰狂獬縱橫馳秉國既非人清談了無施臺城  
一失守生民墜塗泥九廟震戎馬坐觀綱常夷將軍舊  
忠勇悉力舉義旗揮戈指逆賊捐軀竟難支彼惟眈與  
盱赴難甘於飴親既為國死誓以身相隨哀哉賢父子  
至行全民彞邇來千餘年荒墳屹纍纍我行訪遺事徘徊

徊治亭西英風撼宰木烈節昭穹碑九原不可作再拜  
雙淚滋世事幾更代令名日月垂因之感予懷吾將以  
為師

題白蓮花圖

澄澄碧波中皎皎白玉蕊貞姿妬寒梅瑩潔絕纖滓懷  
哉太極翁愛之比君子披圖起遐思吾將蹈真軌

詠逸民六首

唐虞世已遠邈焉逮衰殷戡黎啟周業大統集厥勲壺

漿來士女四海望陶甄如何首陽下獨有窮餓民采采  
山中薇大義將焉陳頽波不可挽卓行誰與倫隘雖聖  
不由求仁斯得仁

西郊獲奇獸魯史終筆削列國事紛爭士習縱橫學卓  
彼魯仲連沖懷隘寥廓緩頰秦師退立談聊城拔奇功  
不日收世議酬高爵孰知斯人志飄飄在丘壑翱翔東  
海上遺蹤散冥漠千載仰高風於焉可敦薄

羸政逞凶毒桷喪綱與常志士共扼腕疾走奔四方赫

赫隆準公基漢由三章奈何好慢士溺冠裂其裳商山  
四老翁髮皓雙眉龐非因國本重安能趨帝傍奇哉子  
房策既以用其良一言回主意期媿周昌

聖門三千徒一一皆佳士時君問其賢獨屬屢空子仰  
鑽及瞻忽駸駸殊未止惜哉天喪予一慟回也死游目  
秦漢間舉世難與比孰知千載下迺有牛醫嗣汪汪千  
頃陂渺漫無涯涘不見鄙吝生德馨照青史

世人膠外紛得失互相戰富貴衆所欲孰肯居貧賤龐

公沮溺徒卓卓有高見深畊隱鹿門素無功名願安危  
本殊途妻子匪不戀刺史弗深知致詞徒繾綣

高人有遠情塵俗莫能累形迹苟相忘飄飄自遺世吁  
嗟晉室衰士習薄名義淵明千載賢獨爾抱深喟仰觀  
世運移俯嘆川流逝怡顏藉庭柯折腰愧時吏茫茫大  
化中此身本如寄持此何所之酒中有深味

送童景庸還天台

驚鷺出丹穴瑤璵產崑崙古來才俊士多毓賢者門侯

城方夫子學貫天與人立言翼往聖行道輔明君遂令  
天下士延頸望陶甄美人秉高志質性溫且淳蚤立程  
門雪擢辭藹春雲籍湜踵昌黎董薛紹河汾願言勇努  
力期爾繼斯文

長洲陸節婦詩

修短歸大化孰能究斯理嗟哉我良人盛年委流水鏡  
缺無復完璧玼終致毀既乖偕老願詎忍不即死素帷  
暗空閨青燈照孤寐欲鞠膝下兒免作若敖鬼兒身幸

已成叨恩宰百里諒彼九京人瞑目黃泉裏共姜秉高節柏舟以自矢陸母何獨賢千載蹈貞軌

題朱仲志師古堂

冥趨每多躡妄作譏無徵君子戒自用牆面何由行典謨垂聖訓墳史昭日星閱之理未至自足咨老成朱侯金華英致身當盛明剖竹分郡符循政聞大廷夏侯善決疑為士須明經延壽尚德化禮義為干楨師古信有德汗簡流芳聲勗哉蹈貞軌以作吾邦榮

題曾才魯紫泉亭

鬱林奠南服發祥由地靈明時不愛寶寒泉著休徵瀟  
沸迸岩竇縈迴出林垌色比馬肝瑩光徹壺冰清邦人  
聚觀者奔走填周行孰知兆此秀迺屬芹宮英折桂入  
天府賓興造王庭得官雖未顯教鐸春風鳴甌閩道匪  
遙企望難為情至今餞別處猶以茲泉名

送康知縣之任安岳

丈夫抱才藝譬若囊中錐不遇盤與錯利器將焉施康

侯青雲彥敷歷非一時竭來綰銅章出宰潼水湄隴雲  
接棧道暑雨驂騶嘶皇情重民瘼去去行勿遲

題芮知府敬亭山房

峩峩敬亭山山色含蒼翠兩水夾寒麓雙橋倚空際若  
人結幽居挹此清淑氣開軒納浮爽游目豁氛翳坐使  
靈臺明涵養成利器兩剖名郡符屢受民社寄每念居  
處崇深念生民瘁國爾竟忘家故廬何由至石田長莓  
苔茅屋寒蘿薜山靈問歸期白首功名遂

史館和侍講方先生韻二首

丹華散虛彩萬里流光清  
夜陪玉堂仙高論藹餘情  
維時當首夏神皋寒暑平  
著述豈其事續續蛙蚓鳴  
知心諒獨難不忝斯為榮  
終期繼先業即綴末簡名

闕











資訓堂

卜築松門裏地僻塵迹疎清溪走墟落列岫當庭除隨  
時事畊稼亦復尋樵漁此身既足資遺後將焉如宗祖  
有明訓聖哲垂典謨一飯三顧諝惕惕當自虞居富戒

不仁力學期去愚凜哉名堂義珍重為爾書

送羅以道御史歸省

商飈動西墅落葉辭庭柯  
時序易遷轉仰視鴻鴈過  
柏臺有名士感慨良已多  
一從服官箴日月如飛梭  
子職既久曠親髣諒已瞞  
恩榮賜歸省秦淮發輕舸  
驄馬耀秋日繡衣明素波  
男兒能似此親樂當如何

送陳檢討子魯歸省

風生牛渚秋雨霽龍江曉  
白浪送歸舟青山閱飛鳥  
夫

君清時彥意氣何矯矯旅食金陵春久視玉堂草顧問  
每生輝論思足行道念彼慈闈親容髮日衰老陳辭謁  
聖明予告感玄造違離未必愁會晤豈為好推恩及存  
亡真足慰懷抱

題畫

慨我行四方汗漫歲月深家山遠在望無由一登臨去  
時門前松偃蹇不及尋歸計眇未卜此松已成林草堂  
俯幽谷柴門掩遙岑何時解簪組永遂夙甘心

題黃侍中翠微書舍十解

環池皆名山山深積蒼翠長夏晴雪飛無雲亦陰翳

解一

清秀日凝結鍾作人中英築廬茲山下藏修斂輝聲

解二

韋編富五車牙籤盈萬軸嵐光入綺疏芸香繞林麓

解三

屋頭有流水時作幽琴鳴掩卷欲細聽風移過前楹

解四

獨有對面峰千歲色不改舉頭每見之心期良有在

解五

端坐肆繙閱靜心玩古今遙遙萃野志沉沉梁甫吟

解六

時來不可止囊錐穎終脫決策當大廷魁名獨先奪

解七

詞垣暨南宮終歲知幾遷致君堯舜上步武夔龍間

八解

遂令四海人延頸望陶冶願比觸石雲崇朝雨天下

九解

時序迅若箭勲業宜早修功成身退日歸伴赤松遊

十解

### 送朱思平侍書歸省

風號江浦冬雁落秦淮曉有客將遠歸秣馬涉長道  
我天台山遙接蓬瀛島赤霞覆其巔祥光耀穹昊伊人  
稟靈秀毓質鍾神造一舉擢巍科筮仕及年少待詔金  
馬門侍書丹鳳沼三年瞬息過瞻雲介懷抱陳情達九

重歸興入毫杪霜楓纈晴綺寒梅散冰縞交輝絢錦袍  
喜映慈容好

送陸伯瞻主事使朝鮮

皇明受天命海靜波不驚一統大無外萬國皆來庭聖  
人坐法宮端拱思穆清朝鮮古名國畏天慕儀刑仁賢  
遺德化禮義為干楨至今數千載文獻猶足徵陸君漢  
臣裔儒林蚤蜚英星輶奉丹詔使節下青冥殊方固云  
遠王事式有程朔風襲重裘祖道列都城橐金豈足羨

專對夙所能相期聖化宣庶以承家聲

題薛孟式滄灣漁舍

榮名非夙願幽貞素所服  
沖懷絕外紛結廬滄江曲  
涼薰生密蔭時雨漲新淥  
水煖鰕魚肥生涯一竿竹  
得魚不思鬻甕頭酒初熟  
擊鮮旋篋醇雅趣聊自足  
人生貴有適無為浪奔逐  
咄此終吾身悠然矢弗告

五言律詩

和滕至剛韻兼簡頂玄極長老二首

落落星懸曉依依柏傲林文章千古事湖海十年心一  
別巴川遠重逢歲月深舊交誰在眼惟予竄知音

叢林清譽重湖海慣遨遊翠竹存吾道黃花映毳裘談  
玄風穴輩達理大顛流欲効留衣別容予入社不

南中道中口號

自入南中境愁容益以侵有懷常作夢無物不傷心月  
落關河遠春來雨露深靈丘何處是遙望淚沾襟

早行

孤館驚殘漏登途竟若迷山形存隱約地勢失高低薄  
曙欺殘月哀猿和早雞忽聞飛瀑響已過石橋西

滴淚坡

危崖通絕磴枯木挂長蘿懷古夜郎道勞神滴淚坡陰  
晴咫尺異冰雪澗溝多歲暮仍行役私情可奈何

送戚行人

萬里簪纓客三吳閥閱家少年登月窟今日泛星槎使  
節翩翩影江梅處處花壯遊當盛世談笑賦皇華

和林嘉猷韻

自作西川客何曾浪出遊幸承恩命及不計路程脩鶴  
唳山村曉林空木葉秋眉山文煥在燄燄倚雲浮

敬和賜何通判韻

佐政當繁劇懷才際聖明賜詩雲翰重前席寵光生已  
勵鷗鵬志還聞冰蘖聲絃歌文化日好繼昔名卿

夏夜和鄭叔貞韻

虛堂無溽暑清氣入懷中故友三年別良宵一笑同薰

風來廣席明月上遙峰傾倒論心臆何須候過鴻

都昌丞洪宗傑秩滿邑民詣闕願留因陞縣令  
憶過都昌道民風厚且淳蘇山明浦澈彭蠡枕城闌父  
老爭留霸朝廷許借恂二松哦且遍滿縣李桃春

送徐庭舒省親

太學游歌久慈親雪滿頭寸心常愛日千里趣歸舟把  
酒烏衣巷瞻雲白鷺洲上堂稱壽畢還旆莫淹留

送王修蓬萊縣丞

聖朝崇政教學省足英才東魯推多士南山詠有臺買  
舟行濟瀆指日到蓬萊佐政有餘暇新詩取次裁

送晏助教改判徐州

王門曳裾久學省足優游聲名重拱璧去就輕浮漚論  
事竭丹悃著書成白頭移官得半刺道行復何求

贈祝少卿

仗策轅門日才猷著契丹是非天意在得失我心安寵  
極承新命時來復舊官佇看龍種盛色別似雲攢

送襄陽僧綱

鼓林馳譽久未許即幽棲禪學雖心解僧綱要力提承  
恩魏闕北歸路鹿門西去去襄陽道雲山望欲迷

送葉履道僉憲廣西

秉筆寓鑾坡相看髣已皤神功勞紀述臬府聽揮呵百  
粵山川遠三台雨露多繡衣行部日桂嶺正嵯峨

七言古詩

送王仲脩還鄉

去年同發雙溪頭山川萬里屬壯遊鄱陽蕩漾一葉舟  
巫峽激艷風濤秋艱險備嘗如浮漚賴子慰藉百不憂  
朝連社席夕共稠相看平步登瀛洲錦城自昔稱名州  
岷峨萬疊瓊瑤浮草堂遺跡倚江流森森閟宮祠武侯  
居人十萬烟火稠習俗多與東州侔徘徊不覺歲已周  
人事稍洽情義投異鄉逢人可解愁況此情意相綢繆  
胡為告别情悠悠飄然欲便歸故丘高堂有親七十優  
倚門鶴髮風颼颼兩年不知甘旨羞子職一曠終身尤

余亦有家青岩陬石田茅屋柴門幽自從來作功名謀  
幾回欲往嗟無由今朝見子理歸舸心旌蕩蕩風中櫓  
執手河梁泪未收願言速來為我儔願言速來為我儔

題南山讀書處卷

憤峯之山高插天扶輿磅礴溟海堦鍾靈擅秀青卓玉  
上挂日月褰雲烟若人結廬在山麓炯炯虛明夜生屋  
生來不喜弄綺紉架插鄴侯書萬軸青燈夜雨聲伊吾  
雞窻曉雪清光敷神交太古隘流俗尚友顏孟游唐虞

美人自昔多意氣折得蟾宮一枝桂共誇平步上皇州  
回首故山渺何處渺何處在天台天台之境如蓬萊三  
年馳驅走南北吁嗟舊隱生蒼苔

題蘓武牧羝圖

繼志齋集卷三

欽定四庫全書

集部

繼志齋集卷

四至  
六

詳校官編修臣曹城

中書<sub>臣</sub>劉源溥覆勘

總校官知縣臣楊懋珩

校對官中書臣陸湘

騰錄監生臣陸潮愈

欽定四庫全書

繼志齋集卷四

明王紳撰

七言律詩

調絃江上夜坐

冠蓋相從覲九天，扁舟孤下泊調絃。  
月華散水金鎔冶，霧氣橫江練鎖川。  
東望金華家咫尺，西瞻錦里路三千。  
此時無限相思意，坐對江楓夜不眠。

題延翠齋

陳畊樂上  
清道士

十里煙蘿翠作堆  
道人家在石岩隈  
門涵碧落軒窗淨  
席擁青冥圖畫開  
山雨欲來松竹潤  
嶺雲初去鶴猿猜  
誰能分我數椽地  
一洗襟懷亦快哉

遊善法堂

我愛城南隱者家  
一泓流水碧桃花  
屋頭岩溜飛寒瀑  
門外晴嵐接晚霞  
地僻四時無過客  
山暄二月摘新茶  
嗟予擾擾勞行役  
直欲相從度歲華

贈進大道上人雲南

三年奔走厭紅塵  
偏愛山中道趣真  
月轉祇園天不夜  
花生淨域地常春  
講經有理懷支遁  
問難無窮忝許詢  
情事未伸天罔極  
幾思結杜扣良因

奉教和資中八景

重龍晴嵐

雨餘山水放清輝  
驚見輕嵐上翠微  
薄影漸因紅日淡  
餘氛猶逐白雲遲  
如綃漠漠籠僧寺  
似雨霏霏護石池  
底事往來岩壑上  
欲隨祥靄出明時

醺壇雲梯

仙家咫尺隔塵凡寂寞當年古石壇  
蒼蘚重封層磴足白雲深鎖石梯端  
眼前日月彈丸急脚底煙霞圖畫閑  
欲訪安期問真訣置身此地杳冥間

官渡春波

憶惜當年此問津渡頭青草滿堤生  
行人日暮呼舟急稍子心諳蹴浪輕  
白石清泉明素志滄浪綠水濯塵纓  
因茲卻動西陵興幾度思鄉夢不成

珠江夜月

華月初生古渡頭  
冰輪出水未曾收  
行看尚覺光微動  
佇見方知影不流  
萬頃碧波明午夜  
一泓清水占先秋  
當時誰有坡仙趣  
醺酒臨江重倡酬

盤峯暮雨

薄暮蒼茫雨滿空  
開簾已失眼前峰  
歸鴉翅重飛還止  
別墅雲迷淡又濃  
牧子荷蓑愁日暝  
羣蠻含帽不頭童  
荒村燈火沈沈靜  
祇聽招提遞遠鐘

漁汀晚照

款乃歌聲酒力微  
蘆花汀上見斜暉  
回光布彩隨流水  
返照依霞散古磯  
隱約漁燈猶未起  
蒼茫釣艇已先歸  
何當來作煙波侶  
共和漁汀晚照詩

靈岩泉韻

靈岩聳拔接孤岑  
中有幽泉冽且深  
崖嘯遠來稱石髓

闕





春滿川巴日正長  
龍橋麗色藹蒼茫  
江花擁雪舒晴白  
堤柳拖金裊嫩黃  
漁浦水生橫  
荻艸洲日暖  
睡鴛鴦

浩歌一曲無人和物候驚心謾慨慷

鴈塔秋聲

峻嶒鴈塔倚蒼空猶自支撐瓦礫叢前代人名摩滅盡  
清秋天籟杳冥中芳聲寂寂消秋雨餘韻沈沈托候蟲  
尚想慈恩舊遊處少陵遺興藹無窮

曲水流觴

輕寒輕暖日舒遲勝賞隨心是處宜澗水引來應自曲  
羽觴流至不容辭山陰遺跡義之往沂上風流點也知

不是君王文治洽誰將往事樂明時

鐵峯聳翠

安嶽名山號鐵峯層巒疊嶂聳重重雨過翠色排螺鈿  
雪後清姿見柏松奇秀堪為佳阜儷孤高獨讓岱山宗  
何時能著謝公屐來與山靈一笑逢

簡袁公弼

休政歸來席未溫關中父老總能論鑑湖一曲終須賜  
陶逕孤松喜尚存夜雨簡編窮歲月春風蘭蕙長兒孫

閉廬僵卧家聲遠坐對岷峨雪滿門

丁丑除夜夢母舅養素先生

歲華慘淡月朦朧夢入家中千萬重  
一世死生勞想像五更長短見形容  
輕舟不繫應長往蕉鹿無憑莫再逢  
回首渭陽何處是城頭寒鼓起鼕鼕

挽安老先生二首

儒林祭酒魯靈光白首專門杜濫觴  
千古文章懸皎日一生德業簡賢王  
玉樓作記神先往丹旆書名夜正長

喜有及門諸弟子肯令端木獨居場

又

晨星落落老儒宗佐政親藩道益崇  
車馬列陳稽古力君臣遭遇贊襄功  
訃聞當寧興長悼魄入佳城保令終  
莫嘆首邱歸未得二蘇遺塚汝城東

喜赦詩為憲臺諸公賦

丹鳳銜書下紫宸覃恩深喜及無垠  
肖翹共覩乾坤大枯朽齊沾雨露均  
文景規模真足繼成康德業已堪論

烏臺諸相心如水日對岷峨道氣新

和吳原頤喜雪韻

天皇昨夜駕雲車上苑瑤林總散花石獸荒涼俄擁腫  
茅簷垂凍互聳牙欲尋東剡王公棹難覓西湖處士家  
賴有蘇公作司業酒錢頻與不須賒

和晏助教賜茵褥詩

文茵新賜制平寬坐比臯比輒更安自是皇家崇聖教  
故令洪澤及儒官陽回孔席春先暖雪積程門書

缺

莫嘆廣文官獨冷當思機杼女工難

送周大慶歸省

三月金陵花欲燃胡為歸興忽翩翩  
年來鶴髮久違養春滿雲衢未著鞭  
雨過匡廬千嶂淨風輕彭蠡片帆懸  
清秋桂子飄香日穩步蟾宮待子先

送王俊用監丞

東海名邦應上台紛紛人物總賢才  
範模自足儀多士姓字相傳遍八垓  
日麗赤城斑袂舞雲橫蒼嶺錦衣回

兒童不識先生面爭道朝中使客來

送劉宗上舍省親

輕暖輕寒三月春鶯啼花發總精神獨憐太學青年客  
能念高堂白髮親鍾阜山前揚去旆嚴陵灘上識歸津  
此行取道桐君里不老仙方問異人

送王僉事復任之成都

日近瑤天雪乍融御溝冰解水溶溶  
豸冠久著風霜肅  
烏府重承雨露濃  
舟上瞿塘看滟澦  
春生錦里種芙蓉

蜀中童白諳名姓竹馬相迎喜再逢

和無為張真人見寄韻

當年躡屩上清中指點虛無問道宗  
幾共五更聽夜雨長懷一月坐春風  
身遊璧水功名薄目斷蒼山譽望隆  
千里槭詩勞問訊詞源決峽勢何窮

學道多年覺有情幾思發軔繼周程  
一經蚤授慚韋相三策將陳愧董生  
暑雨論心龍虎地春風握手鳳凰城  
何當解綬東歸去再向玄都問舊盟

送陳信歸省

三年遊學寓金陵夜雨青燈萬里情雲起岷峨親在望  
雪消巴蜀水初生鳥啼花落俱成恨水遠山長莫計程  
樂育君恩深似海促裝毋待斷機聲

再和張真人見寄韻二首

坐看日月走壺中久識虛無是本宗瑤草香生瑤署雨  
巖花影動石壇風衣冠奕世名何遠印劍傳家譽自隆  
長憶耆山舊遊日仙岩高處興無窮

世故悠悠不動情，致身偶爾入雲程。  
談玄每遇青牛客，進諫徒懷白馬生。  
鳴佩趨朝鍾阜月，登臺吊古石頭城。  
自知家學慙司馬，空負山中歲晏盟。

題徐子明雅淡軒

蕭然一室僅環堵，柏子銷時日過午。  
古琴撫罷風滿簾，深杯邀得月當戶。  
往來問卜無白丁，過從談論皆鴻生。  
俗態已忘世慮息，雅淡中含太古情。

題吳文質嵩陽雲樹

延平自昔佳山水聞說嵩陽景更奇溪樹藏煙陰欲雨  
巔雲出岫霽無時輞川寂寞今誰在盤谷幽深隱者宜  
一自承恩居帝里披圖猶起考槃思

七言絕句

題墨竹

湘江春暮雨霏霏舟泊黃陵酒力微夜半開蓬羣玉響  
天風吹下鳳凰飛

送徐東歸并示穠穠稔輩六首

象鼻原頭萬本松清陰周匝護新封也知世澤應鍾此  
近歲多承雨露濃

青岩山下石溪頭草屋柴門事事幽但奉歡娛養慈母  
榮名勢利不須求

百畝山田繞敝廬近年豐歉竟何如諸郎若肯勤畊種  
甘旨時供定有餘

夜讀詩書朝出耕古人多此寄深情殷勤語汝諸兄弟  
好盡彝倫學董生

五年滇蜀倦奔馳兩鬢蕭蕭齒亦稀  
宦業未成人漸老始知三十九年非

湖海淹留歲月深蕭條苦乏滿籬金  
傳家幸有遺經在遲汝重來共寸陰

題墨竹

瀟湘江上暮雲迷落日無人翠羽低  
艤棹黃陵廟前宿一篷春雨鷓鴣啼

題小畫三首

青蘿山下松濤室幾度臨風憶舊遊  
今日畫圖看髣髴  
淡雲疎木不勝秋

古樹森沈俯碧灣江花擁雪正漫漫  
海門潮落舟歸晚  
鐵笛幾聲人倚闌

三月桃花浪蹴紅繫船晒網夕陽中  
賣魚買得潯陽酒  
岩樹生陰坐晚風

龔給事家索菊

長安門外禁垣西公館幽深帶小蹊  
滿圃黃花誰占得

清香曾許我分携

題野航徐氏雙竹圖

脩然谷口碧琅玕影落澄波夜正寒獨倚野航人寂寂  
月華浮水度雙鸞

送漢陽安知州之任

太平不釣渭溪璜白首之官上漢陽鸚鵡洲中舊風月  
從今收拾到黃堂

題思萱堂

手種萱花近北堂  
慈親相對百憂忘  
年來太學遊歌久  
一向春暉一斷腸

題畫梅

憶昔黃昏訪老逋  
小舟乘月渡西湖  
暗香浮動人聲寂  
皓鶴飛來隻影孤

題墨竹三首

瀟湘江上暮春時  
舟泊黃陵思欲迷  
夜半忽驚風雨作  
瀟瀟兩岸鷓鴣啼

子猷宅畔尋常見蔣詡門前次第栽  
山館日斜無俗客  
清陰忽過短牆來

慨我居官歲月多每於紫陌聽鳴珂  
天風忽起王猷宅  
彷彿朝回闕下過

寄章同吉三絕句兼柬范叔彝

懷人萬里思悠悠清夢尋常到益州  
昨夜冥鴻將信至  
開槭字字解予愁

五更踏月候朝鐘退食詞垣旭日紅  
金匱玉函披閱遍

從容無復舊時風

范郎辭翰儘堪誇  
五色卿雲遶彩霞  
不寄冷官王仲子  
封題偏到繡衣家

題李白小像

一自騎鯨去不回  
風流千古數雄才  
至今采石江頭月  
猶共長庚燭九垓

寄叔雍舍姪三首

百畝良田不間畦  
息耕亭畔曲江湄  
五年不踏江頭路

明月清風午夜思

長憶青岩舊草堂  
手栽松竹翠成行  
諸兒未了公私事  
三迤年來想就荒

滿城風雨五更寒  
燈火趨朝夜未闌  
年少曾誇華冕貴  
老來方覺布衣安

題夾梅竹

月白風清夜未央  
小窻人靜漏偏長  
翩翩翠鳥來何處  
隻影飛隨白鳳凰

題雪棹圖

萬頃頑雲撥不開  
山河大地總皚皚  
懷人夜出山陰遠  
興盡何妨半路迴

繼志齋集卷四

欽定四庫全書

繼志齋集卷五

明王紳撰

論

裴矩論

甚矣人心之不可以不正也以一已言之固吾身之本  
推而言之又國家天下之本也苟能守之以正則萬善  
出焉用之以邪則衆惡鍾焉堯舜桀紂顏曾盜跖同此  
心也同此理也而其所以不同者守之異而用之殊也

是故君子守此心而循此理信乎若四時之有常也昭乎若日月之明也確乎若金石之堅也萬鍾於我何所加鼎鑊於我何所屈於是以之立身則餓於首陽山而不以為困天下之人非之而不以為非以之事君則剖心為奴而不以為恨佯狂吞炭而不以為辱又豈有隨其所寓而施之者哉予怪裴矩當隋煬昏侈之君揣知其將有志於遠畧則撰西域圖記逢其志而說其征高麗以致覆三十萬之衆罷中國之民卒底於亡滅及仕

唐見太宗志在容受直言欲殺一貪吏則能面爭而以  
正規之時奚趨向之不同也夫何司馬溫公猶謂其佞  
於隋而忠於唐非其性之有變也君惡聞其過則忠化  
為佞君樂聞直言則佞化為忠若然則吾之所守者在  
乎君而不在于我矣是所謂蹇諤之風惟可施於明盛  
之時而諂諛之計乃行於昏亂之國遂使聖者愈聖愚  
者愈愚又何用夫扶傾持危拾遺補闕之職哉予嘗推  
矩之言其佞於隋者偽也其忠於唐者亦偽也彼時見

太宗英明睿斷非可以世故惑故假理義之說以中之  
亦猶向之逢煬帝也夫不可必遇者時也不可暫易者  
心之理也吾心既合於理時之遇與不遇又何恤哉今  
矩之心若下阪之丸遇巖欹陂險之穴則隨而陷之遇  
平易坦蕩之道則歸於正其所守者為何如哉故其幸  
遇太宗而得一陳其盛說設使之終無所遇而終事煬  
帝則亦終其身而為狗彘之行以並於虞世基宇文化  
及之列矣又安得太宗之美譽乎此予所以嘆人心之

不可以不正也或謂百里奚之用於秦豫讓之死於智伯是亦遇歟曰不然彼顧其用與不用耳若矩者既已儋其爵而析其圭反進諂計以構其禍又可同日而語乎哉

盤庚遷都論

古之善治天下者必謹於常情之所忽畧重於民情之所難違豈不以忽畧而不加察禍患之所由起難違而固欲違之民情之所由怨者乎中天下而立制四海之

民言出風從令行響應彼蠢蠢之氓微劣愚昧跼伏於  
草莽之下其心畏之若雷霆鬼神之不敢窺測尚敢揚  
眉出氣以吐所懷哉此常情之所忽而易者賢哲之君  
則謹而重之欲使之也若承大祭見其顛連也若身受  
痼瘵開其麗而輔其生匡其心而翼其性此其德澤入  
人之深歷數十世而不忘者也予讀盤庚三篇而知其  
德之所以盛者商之都耿圯壞已甚盤庚閔齊民日入  
于墊溺故欲遷于殷夫以天子之尊制人短長之命其

拯人於塗炭亦易易耳而大家巨族安土重遷反以浮  
言相扇彼盤庚者不以民不順已命為怒唯恐我之不  
順其情為憂丁寧告戒引咎自責不啻慈父之於愛子  
既數陳其不遷之害能遷之利又且抑其非心導其善  
行用哀矜惻怛之意代捶楚斧鉞之刑其後民非不遷  
也而遷於人情之所順雖不能快愜一時心意其所以  
續先業垂後緒者非此不足以中興六百年之業也而  
世之論者固以先王動民而民不懼勞民而民不怨以

病之嗚呼不亦求備之甚者矣

漢文帝論

予觀文帝恭儉仁慈可謂漢代之賢君矣然而獨闕於  
明斷何哉於絳侯周勃之事而深見焉夫勃鄙朴人也  
自高祖為沛令即以中涓起從觀其披甲荷戈攻守戰  
鬪積銖鏹之功至封為列侯而食邑萬戶則其忠勤之  
志已見于高祖愛遇之誠與垂死之囑矣夫何瀕老而  
文帝以庸人之言遽疑其謀反至令下獄而侵辱於小

吏苟非薄后之言幾置於斧鑕所見何其淺哉予嘗考

其先攻城破敵擁

缺

之勢者固不可勝數當高祖之

疾也命勃以相國代樊噲而定燕及事未竟而高祖崩  
則勃之欲反豈非其時乎高祖之崩也惠帝吕后繼歿  
而諸吕亂勃以入據北軍而攻諸吕天下之勢皆歸於  
勃則勃之欲反又豈非其時乎勃於是時既無謀反之  
意乃為漢代社稷臣易少主而立文帝則其忠勤之志  
又爆於是矣而文帝又何疑哉然文帝之立勃之恩為

大以大恩之人而欲訊之以大罪仁德良虧焉雖然宗社之寄非輕而人心之微難托受天下之任固不得循一人之恩而妨大事理之常也所可恨者獨闕於明斷耳昔太甲不義伊尹放之後太甲悔過而不疑成王幼冲周公相之三叔流言而成王不惑後漢昭帝以少孤而繼大位霍光為輔燕蓋上官譖之而昭帝能為之辨是三君者皆以稚童未練世故者也特中心有明繼斷然而文帝既不能效三君之為又獨不<sub>缺</sub>婦人之志

吾不知其果何見耶昔蕭何樊噲建不拔之基業而高祖猶或繫治於獄或欲即斬軍中豈其習性而然歟賈誼所云流涕太息者當有為矣

### 漢元帝論

漢元帝時御史大夫缺羣臣皆舉馮野王行能第一上以問中書令石顯顯曰九卿無如野王者然野王親昭儀兄臣恐後世必以陛下度越衆賢私後宮親為三公上曰善吾不見是乃下詔嘉美野王廢而不用論者曰

君臣好譽而惡毀賢愚之通患也然則賢者恒志於大而不局於小愚者則急於小而忽於大其故何哉蓋大者難行而小者易致小者易辨而大者難明也是以蓋世非常之功恒出於聖賢有志之君而煦煦姑息之為乃見於委靡因循之主孰知行其大者而小者不求自至行其小者而大者為尤急哉余嘗較之避賢與退不

闕









欽定四庫全書



經志齋集

其為君子乎公孫弘以老年為丞相封列侯食邑數百  
戶而躬為布被脫粟之飯武帝下詔褒其漢興以來股

肱在位身行儉約輕財重義未有若公孫弘者也後世  
不察遂從而稱之以為故事嗚呼君子自脩之道蓋亦  
盡其在我者而已何必區區求異以為高哉自昔君子  
莫過於周公孔子而周公位總宰定制度貴賤異等老  
幼異養文物粲然廢一不可孔子亦曰儉則固是儉者  
非聖人之中制也不得已而後為之耳今弘祿俸足以  
給貴齒足以享而甘減其口體雖至愚之人亦知為釣  
名而欺世也不然是周公孔子之言行不足法而儉乃

理之正歟何弘以老年極貴而自奉之薄也或曰弘自奉之薄蓋中心有所守不以富貴易其養故自處如布衣時耳初何求聞於人而謂釣名欺世哉曰事有任意徑行而自中於理者有用心模擬而不勉人之知者及其至也如見肺肝然若弘者可見矣曰自古聖賢多以菲薄自奉若禹為天子而卑宮室菲飲食而致力乎溝洫鬼神是亦過歟曰此蓋任意徑行而自中於理也夫禹豈直若是哉甚至過門不暇入娶妻產子而不及字

何則當是時也上受天子之命下濟生民之溺謀度計  
畫且忘寢處豈以宮室妻子云乎哉是有故也若弘者  
操數寸之闕管書盈尺之闕位遇承平之世守已

成之法以遵職而已未聞孜孜於聖賢之道成大功立  
大業如禹之過門不暇入娶妻產子而不及字也乃獨  
於布被脫粟之飯以自現此非用心模擬而不免人之  
知者何耶曰當此之時既無洪水之害且藉世承平故  
得安其爵位故將減所奉以與故人賓客共之是亦仁

者之心也然其設心若此又豈用心模擬之為哉曰仁者無偏愛而有汎愛之心苟謂弘推仁心以待故人賓客則在下者當無受其愛矣又安有殺主父偃徙董仲舒之謀哉於此益可見其心深忌而多詐夫心深忌多詐乃獨以菲薄傲譽又豈非孔子所謂索隱行怪者耶曰然則弘將不得為君子歟曰要之為聖人之道固未免無罪若以後之踵其位者儕之則弘尚為中人乎哉

田橫論

士之事君能致其身而不吝其死者固難君之能得士而結其心者為尤難夫君臣之際勢甚殊而禮甚嚴也分甚疎而道甚異也於其間乃欲望之為股肱而致生死於一命苟非煦之以深仁懷之以至義其可強而為哉是故紂行暴虐而億兆之臣離心離德武王身履仁義而三千之臣皆同一心豈紂之臣稟性俱惡而武王之臣性皆忠歟蓋亦顧上之遇何若而應之耳雖然豈盡然哉固有上遇之如父子至親而下懷二心者比比

而是若漢之韓王信彭越黥布盧綰陳狝者其人歟此予所謂為臣而致其身固難君之能得士而結其心為尤難也秦失其政天下豪傑並起百姓紛趨惟勢利是尚朝受深恩而暮懷背叛晨立盟誓而夕歸權勢若風翻雲合無所定向者何限惟田橫兄弟起齊宗室間繼立為王及其敗也遂率其徒五百人居海島中高祖即位聞而召之再四始至既至復自剄二客從之者亦隨而自剄五百人聞之亦皆自剄嗚呼何施而臻此歟夫

五百人之生也具五百人之性聲音笑貌莫能同飲食嗜欲莫能同而就死之心乃同豈人之常情實惡生而樂死哉豈其勢迫而威促之哉蓋出於其心之所感也夫許人以物尚或靳而不與今廼捐軀以與人則夫橫之所以致於五百人者為何如而五百人之所以報橫者又何如哉當秦之世借父耰鋤而矜德色毋取箕帚而致許語甚至子弑其君者有之而五百人者未聞有卓立瓌奇之行名藩巨鎮之寄乃能若是其視夫韓彭

輩沐深恩而成大逆者可同日而語耶雖然橫以困窮率五百人遁去而五百人皆能死之借使橫得位而宰羣臣其能下武王之三千耶由是論之五百人之死橫也固難而橫能致五百人之死為尤難雖然君臣之相感如此固宜有天下而卒不有者其亦命也夫

陸贄論

智足以窮天下之變故而不能保其言之必用德足以動主之敬慕而不能信其道之必行其故何哉蓋在我

者我可得而致其力在於天者雖聖賢不能違天而強  
取況君子乎當周之季王道湮微列國諸侯爭雄競利  
以取強弱於反掌天下之民嗷嗷望治者亦久且衆矣  
時若以孔孟之賢假之以輔相之位立伊周之績易易  
耳夫何天未厭亂竟使其栖栖焉皇皇焉逐跡於魯衛  
齊梁之間有見其儀刑而樂告之政事者有欲以中國  
而授之室者然卒無所遇豈其智不足而德不周歟枯  
於天而莫之能為也每嘆李唐屢經女主之禍三光

已晦而復明宗社既危而再安至德宗之時亦已極矣夫豈無撥亂反正之才出於其間以應世用哉蓋在有才而不能用用之而不盡其才也嘗考陸贄以聖賢之學經濟之具擴忠推誠蹇蹇諤諤當國步倣擾之時君臣否隔之日於天下之事無不知知無不言言無不當使德宗能盡聽之則奉天之幸未必見而興元之奔必不舉矣雖然贄之職厯近侍而大拜矣位非疎遠也贄之言施之於事而參密謀矣計非全不用也觀其論李

萬榮要君逐帥不當授以節鉞所以正亂世之綱常辯  
李楚林棄逆從順不可乘機詐取所以安天下之反側  
奉天罪已之詔則唯恐其言之不切而行之不果慮藩  
鎮之跋扈則力諫以推誠待人誠國家之著龜救時之  
藥石也故德宗雖甚猜疑至於理到之言不容不服孔  
子曰法語之言能無從乎改之為貴異與之言能無悅  
乎繹之為貴及考薦李巽於前業已許而更用者廼在  
辟戾之裴延齡論臺省舉吏章已上而蒙嘉納矣卒格

而不行於是知夫德宗用其一二者非誠心素志也外則迫於艱疏而贊之言克中於事情內則秉藝好德之心人所同然而贊之賢簡在人心者非一日也其後大憝既除而怠心漸恣私慾已熾而良心鮮終於是平昔施之於人者稍稍見加矣孔子又曰賢者辟世其次辟地其次辟色其次辟言是故醴酒不設非有大故而識者已知為髡鉗之漸贊不接浙而行猶徘徊顧盼冀其庶幾乎改故卒及於辱於是陽城之諫雖切而忠州之

行已決矣且唐之稱賢相者若房杜之功業魏徵之諫  
爭姚宋張韓之政事不惟無其人求其學術之懿識見  
之正唯贄一人而已庶幾董仲舒賈誼之徒歟而其見  
於事功者僅如此豈非天哉故世之論者謂其能順天  
而揆事獨不能順天而處已豈過情也哉

序

遜志齋藁序

天之生斯民也又必生聖賢為之依歸以裁其有餘以

補其不足必使闇者資之明懦者藉之強然後天地位而萬物育也然而伊周孔孟之徒不世出者非天之惡生聖賢也蓋聖賢者靈和純粹之氣之所鍾實未易逢也苟生矣則將行道於當世垂訓於方來雖其一身之微其功已被萬世之遠矣夫萬世之後有讀伊周孔孟之書而慕效之者可不謂之豪傑之士乎雖然聖賢任道之心雖一而行道之勢則不同伊尹周公得志而見於功業孔子孟子不得時而托於空言其事雖殊要其

歸則一也後之學者不察其心而離為二端專功業者則詆立言者為空文務立言者則謂必藉是以明道傳襲之久而弊愈甚嗚呼世有不惑於衆人而致力行之功者其殆有志於聖賢者歟天台方君正學負精純之資脩端潔之行考其學術皆非流俗所可及其言功業則以伊周為準語道德則以孔孟為宗會其通而不泥於一志乎大而不局於小實有志於聖賢者也嗟乎聖賢之不作久矣斯道之微若晨星之在太空光彩不耀

者數千百年至宋諸大儒出始續其不傳之緒而繼之  
然後學者有所宗師今去宋又二三百年矣斯道之晦  
亦久矣天之閔斯民而望後人者亦甚矣方君以出類  
之才如此其意必有在矣而君又烏可自不力也紳不  
敏幸忝同門之列於君之志切有與聞焉故特著其說  
於文藁之首

聽琴詩序

今人所以不及於古者非天之降才不同也為之防範

者闕其具為之導養者失其宜外之則靡然承習不知所以立內之則侈然放肆不知所以檢由是去古愈遠而人才愈降也孔子曰興於詩立於禮成於樂是則樂之所以防範導養而能納人於中和之地者尚矣故禮記亦曰君子無故不去琴瑟而琴者非君子之所當用心者乎天台章氏全吉精於琴嘗挾所能至蜀蜀之士子類從而習之甲戌季夏遜志方公與客坐於禮賢館坐席初定明月徐升全吉厯階而上布几焚香援琴鼓

之連及三終薰風南來天籟逸發恍乎義黃不知其為  
遠虞夏不知其為古而周情孔思並陳疊奏忘其出於  
數千載之上也嗚呼古人往矣不得而見之矣尚於斯  
而有徵焉則夫琴者豈非君子之所當用心者乎予方  
病夫人性之偏而不能慮過而不能防遂致終為失德  
之歸今聞遺音之有在實足以蕩滌邪穢流通精神矣

是  
闕

三  
日  
五  
人  
日  
二  
四

繼志齋集

十九



感知遇之深視義理之精微性命之玄奧知無不言言  
必中節及承教旨有所述作尤研精覃思必歸於正而

後已若先生者可謂間世之英才士林之宗工矣然其道豈止於一身哉廼邦國之華也紳也辱先生之知最深且久於其還也士友咸賦詩為餞故紳特明其志述其學而為之序云

盤石書舍詩序

自昔名賢君子所以道成德就者必鍾夫山川之氣以生又必有歲脩養晦之所而造其業蓋不清淑以孕秀則無以資其性之靈不有其所則無以凝其性之定此

理之自然也惟蜀之山川奇峻甲天下故往往產名賢  
出巨公為天下後世之所景慕若漢之揚子雲司馬長  
卿宋之張敬夫二范三蘇魏了翁則其人也自予游蜀  
者凡三載每遇佳勝之境必徘徊顧盼挹其景而想其  
人切意夫氣運之流於穹壤者無窮期而清淑之鍾於  
人者又豈獨畱於今哉未幾臨邛張景山甫以盤石書  
舍詩文見示皆一時名人髦士之所述作乃知景山甫  
之所以司教百里而造就多士與其吟詠講說可以表

於蜀人者蓋有以致之也雖然予與景山甫相處者頗久而足迹未嘗一及其書舍今獲目其圖味其詩而益知景山甫之處其間也林姿谷態之出沒左圖右史之施陳燧乎金玉錦繡之華不足以奪其志也青燈夜雨之寥聞朝經暮史之窮搜紛乎管弦金石之樂不足以動其情也於闕











聞君子之於仕也不以位之崇卑為意而以道之行否  
為憂其道行矣抱關擊柝又何為媿道之不行位如卿  
相祗益累焉是以孔子大聖嘗為乘田委吏亦曰牛羊  
茁壯會計當而已矣豈有他哉故其言曰君子思不出  
其位其是之謂乎今仲廣居出納之職行出納之事稱

其職盡其事則君親之恩由此以報幼學之志由此以  
行況衡州既為時齊宦游之邦而司倉又若聖人所歷  
之任仲廣行矣訪遺老以思紹於家聲素其位以求於  
斯道如是足矣否則非吾之所望也仲廣臨別來徵言  
因舉平昔之情與今日期望之意以為序

素牡丹詩序

上清宮道士鄧如如自其師祖芝山俞煉師植牡丹一  
本於所居三華院至癸酉春花始盛開其質雪白而玉

潤人頗駭觀之凡能言者遂為歌詩以侈美其事既成  
卷而未有為之序者會予過山中如如稽首請予文以  
升其端嗟乎凡物之賦形於兩間者其妍蚩纖巨固不  
同至於人之好之惡之顧在所遇何如耳使其托迹於  
仙宮梵宇名園勝圃者雖一卉一芥之微自足以聳人  
之玩好苟其生於田家野落縱有異萼奇葩殊芳絕質  
亦無為之意者矣若茲花者其然乎雖然世之論牡丹  
者若姚黃若魏紫若壽安輩亡慮百十種見之於詩人

品題著之於名士之花譜莫不誇侈其艷冶魁偉耳及  
求若此花之娟潔者又何闕

--	--	--	--	--	--	--	--



以其父執中先生與先公有舊且為製烈婦傳及修元史而先公又司筆削之柄契誼為最深因請文以繼其後嗚呼若上人者可謂善於繼述顯揚者矣紳聞大雄氏之書有報恩等篇其說固可得而求之矣上人既已得之於彼又復求之於此益見其孝思無窮也韓子有言莫為之後雖盛而不傳其上人之志矣嗚呼若烈婦者豈待文辭而後傳哉

送景山張先生赴京序

予讀歐陽文忠公榮鄉亭記知昔蜀之郡縣胥吏不喜  
儒士每見輒為其毀辱構陷以故人不樂業儒亦不急  
於仕祿甚有志者不過習訓詁歌詩以自養而已未嘗  
不歎其習俗之鄙陋而士氣之萎靡也士生其時處其  
鄉能拔擢奮勵以自見者其亦得十一於千百哉今去  
其時未久餘風遺習豈無存者顧在作興之方與自立  
之志何如耳臨邛景山甫張先生蜀產也自其少時慷

慨有立志習詩書六藝之文即圖為世用後罹元季兵興  
浮沈里閭以保全性命者五十年國朝文運開始日以  
求賢為務遂應有司之辟入成都為司訓居職九載所  
教弟子多所成就邑人稱之迄今考滿將赴天官覈績  
而景山甫之顛髮亦已種種矣或謂景山甫習蜀土之  
俗近納祿之年且負痼疾必將乞骸骨而歸故鄉曝茅  
簷涼竹簟以樂夫崦嵫之境設使之任職臺閣寄牧州  
郡必非其志矣予謂不然昔馬周以晚年而見遇汲黯

以多病而卧治况當盛明之時為士者孰不欲竭心展  
力以希尺寸之功而圖芳於竹帛尚何有習俗之移人  
乎吾知景山甫且將推其所有以自效庶幾不負平昔  
之志異日年益高而業益成致政以歸指某丘某水之  
舊遊盤桓桑梓以保夫天年使人稱其生為鄉丈人沒  
為鄉先生則豈非景山甫之志願哉予與景山甫游且  
相知故本其心為言以贈之而并以廣或人之所見

劉大有詩集序

夫詩者主乎理而發乎情性者也天下之理無窮而人之情性不一為能不失於理而得乎情性之正斯足以言詩矣何必鉤竒銜怪如牛鬼蛇神之不可以狀詰屈曲聲牙若殷彛周卣之不可以意求者乃謂之詩哉嘗聞嚴滄浪論詩體者五十有六有以世代為一體者有以年歲為一體者有以地里為一體者有以一人為一體者何其屑屑之多體哉殊不知造化之理無窮而文章亦為之無窮譬之聲音笑貌人人不能皆同獨言語

可以強同乎哉是故淵明天性冲曠而得於渾然東野  
厄於困窮而得於寒苦政自各類其人夫何世之談論  
者往往欲

缺

體或謂體備諸家是猶剡舟而求劍俯  
地而捉影愈勞而愈遠矣抑不知諸家之體其能外三  
百篇而出於六義者乎苟其不然曷亦宗三百篇本六  
義而出入於諸家之為愈予有見於此者久矣而未遇  
知己者為之道也丙子之春予邂逅劉大有於滇陽一  
見握手歡若平生未幾出其平日所作詩數百篇見示

予閱之累日見其犖犖有奇氣而凡措辭命意皆不苟誠作者也間嘗與之論議詩之為道大有益以予言為然因徵文以序其首簡時予以情事未伸心志鬱鬱若醒人故諾之而未及為暨還成都追思故人遠不可及且以前言之不可食也故舉予與大有所嘗論者以為序大有其終以予言為然耶

玉壺詩集序

世稱司馬子長好游故其文有奇氣夫游烏足以資乎

文哉良以山川清淑之氣經之於目即會之於心會之於心即形之於言所以言必瓌偉而雄麗也蓋人之質性厚矣問學富矣其得諸內者至矣必藉夫游覽之勝以資其外然後吾之氣内外交養者有其素於是縱橫上下大小長短輕重疾徐惟吾之所欲言矣豈特如其所欲哉雖吾亦不自知其所以也如是而有不奇者幾希古之詩人其作者厯厯可數然未必皆出於此其得於此者若淵明之嘯傲物表子美之經歷艱關太白之游

情世外可勝紀哉金華至剛滕先生結廬玉壺山中讀書積學不務外馳自其少時喜放懷於山水袖攜青囊書薄遊遠近與人談論甚懽洽而又未嘗泥於其術間有所得即發於詩歌跌宕為可喜如此浮沈者五十六年迄今用薦者出為郡庠弟子師所教多成就今年以校文徵又蹴錢塘溯淮泗歷大梁絕黃河覽華嶽之崇高閱關輔之雄壯登棧道入益門而抵巴蜀挹岷峨之秀俯大江之流故其所得益多所出益富予評其作若

春空層雲變幻百出秋漢飛隼動輒如意非得諸內而  
資于外者能乎予病夫不能詩者久矣今得先生之什  
觀之若醒者之嚙冰雪精爽為之開豁况居同一郡而  
胥會於萬里者乎緣序先生之所得使讀者知有自焉

范氏族譜序

人之所以異於禽獸幾希者以其有尊祖敬宗之心知  
親疏長幼之序守禮義仁愛之節也春秋祭祀思其所  
本骨肉隆睦思其所親倫理不失由乎天性人之道也

然而世人莫不知之亦莫不欲行之夫何見其能暫而不能致久見其能久而不能及遠高曾以上祖妣之名或不知也總免以外尊卑之秩或不辨也如此而望其盡乎人道不猶捨隄防而求瀦水之渟瀦不散有是理乎是故先王制為軌俗防範之具設小史之官為世本之書至漢有鄧氏官譜應邵氏族篇宋何承天姓苑唐貞觀氏族志元和姓纂路敬淳姓畧柳冲族姓系錄及諸書既廢而世之欲論氏族別婚姻厚風俗扶世教而

族譜所由興也嗚呼士之有志於古而欲惇禮義者捨族譜何求焉華陽范氏之族乃宋蜀公鎮之裔自蜀公而下至十世孫煥卿厯厯可攷也煥卿之子彥良益恭謹父子纂述而成其書於是數百年之文獻十餘葉之衣冠近而父子至親遠而疏遠末屬藹乎見于方冊之中矣昔程正公謂管攝天下人心收宗族厚風俗使人心不忘本須明譜系其信然矣且夫人之譜固然而為賢者之後又有其說也是故因其譜以思乎祖思乎

祖而景其德則顯揚繼述之志與孝弟惇篤之行其不相感而相生者乎吾聞蜀公在熙寧間其剛毅果決之氣正大公忠之心雖使之亘天地而不磨可也故世之志士仁人聞其風者猶且慕之況為其子孫者乎此范氏之譜所以與衆異也嗚呼尊其尊而親其親吾讀斯譜而有望於煥卿之賢父子矣

楊宗彞詩集序

丙子之春予以情事未申將抵南詔道經于普安適宗

彛楊先生過予於官舍宗彛會稽人也與予為鄰郡然  
而宦遊四方者二十年予又迫於騃稚故未之識及予  
入蜀始稔聞其名今復胥會於萬里外遂握手歡如平  
生繼出其所著貴竹橐為示予讀之累日愛其音韻沈  
雄體裁嚴正流麗而不至於放平實而不失於俚殆有  
古作者之風焉故自其平生出處厯履感遇悲喜一發  
于詩以寓其志且請予序其端嗚呼夫詩豈易言哉自  
三百篇而下厯漢魏晉宋以來至於唐於五代於宋元

作者不可以數計而以之名家者百不一二焉何則蓋  
工於辭者每戾於理而得於理者必嗇於辭况又因之  
以世運之隆污氣習之衰盛格製之變易而態故百出  
無復古人之遺意矣此世之談詩者各拘於所溺之偏  
人或詰之則必指古人以自誣且曰吾學某者也嗚呼  
是猶學射於逢蒙而用其故鏃習醫於扁鵲而竊其遺  
方所謂得其末而遺其本若此者是可以言詩乎哉予  
患乎此者久矣今觀宗彞之作固足以一洗盲瞽之病

第恨世之知宗彞者尚少而予言未足以取信於人也  
雖然任恭惠公有言石韞玉而山輝水含珠而川媚若  
宗彞之詩豈終泯者耶世有米歌詩以脩盛朝之風雅  
者尚因予言而有得矣

贈鄒公瑾序

木之養厚者發必豐水之流沛者源必遠千尋之材可  
以就繩墨而充棟梁者必其資雨露之深而埴土地之  
廣也溟瀚之水盪日月而含雲煙者必其納百川之流

而居卑下之地也君子學以至其道者豈外是哉夫君子莫不與人同者顙圓趾方目視而耳聽飢食而渴飲殊不異於途人而途人者羣羣焉草木之生泛泛焉浮漚之沒其生其死初不為之重輕也而君子者以七尺之軀欲配兩儀而三之人君至尊也吾思致之為堯舜萬民至衆也匹夫失所若已不得辭其責者聖賢遠矣其道之在己若躬承其重焉夫如是非其妄也天之命於人者無不備而人之受于天者無不周也君子知

夫道之當如是也故雖厄于陳畏于匡而孔子不以為  
憂不遇於齊毀於臧倉而孟子不以為歎彼豈不欲自  
安哉誠以吾分內之事有不盡則媿于天矣有媿于天  
者多則與途人等矣此君子所以貴於學而學必期至  
於道也雖然自洒掃應對等而上之至於窮理盡性無  
非學也學焉無不至也所謂養之厚而流之沛也若夫  
剽竊以為功而不尋其本涉獵以為美而不究其源不  
猶樗櫟之質用之不足以勝斧斤涖蹄之蓄朝滿而不

夕除者幾希歐鄉鄒公瑾氏以簪纓故家且少聞庭訓其志篤其才敏自弱冠即知所當學然而不安於小成歲甲戌予胥會於古渝與之論議落落可喜自是凡三會會必握手劇談而知其所學益以進今年春來遊於成都成都士皆願交之留三月告歸衆咸作詩以爲餞予與公瑾交也久故特本諸君子之所當學者以相勉

素行齋詩序

所貴乎君子者以其心有所守而不役於物也心不役

於物則加之富貴而不以為喜困之以貧賤而不以為  
憂處之患難而不以為懼居之蠻荒而不以為恥蓋其  
自待者重而外物舉不足以累之也是故箕子封朝鮮  
而化行於邦國孔子厄于陳畏于匡而絃歌不休顏子  
簞瓢屢空而不改其樂孟子加齊之卿相而不動其心  
彼聖賢者以為天之所賦我者健順五常之性而已所  
謂命也遵吾命而行其於禍福窮達之及於躬者不啻  
贅疣之附身蔦蘿之依木皆為身外之物烏能動其中

哉故傳曰君子素其位而行不顧乎其外也嗚呼非有志於道者奚足以語此哉番易朱可璵氏疏通而特達蚤游湖海間困悴無遇不以為憂也及壯至蜀廼以才自見賢王聞而召之俾授句讀于武臣之子弟且日與諸帥講說史傳而其心不以為懽也嘗扁其居齋曰素行時之名公髦士或為文或為詩以紀詠之可璵屬余序其首余惟世之所患者在乎居卑賤而慕高大處崇極而志污下慕高大者必致於患得志污下者未免於

患失患得患失之心交於中而素行之實喪矣今可璵  
厯窮通遇險夷一致如此其得諸素行者可知矣予故  
復要之以聖賢之道而告之抑余方志於自守而力有  
所未至者可璵尚能以其所得者復以語我乎哉

鴈塔樓雲詩序

浙左七郡惟睦多山川睦之分陽有山曰鴈塔鍾一邑  
之秀當其重巒疊嶂攢峰峭壁喬峙掩映于左右而鴈  
塔獨歸然據其中用是人多樂玩而即之山之麓方氏

世居馬方氏為邑之衣冠望族自宋元以來多以科第致顯庸有號菊隱者兄弟聯第為名進士至其從曾孫文字用中自幼以俊秀選入邑庠為弟子員嘗於其家闢室以為藏修之所因扁曰鴈塔樓雲士大夫多為記述之者後業成貢于南宮復入胄監未幾朝廷遴選練達通明之才行御史事俾稽覈天下百司之案牘用中以選得四川藩閫諸司逾年事集而歸人皆道其能予時佐教成都知之為詳及予以薦者召授國子博士用

中因持卷求文以升其端予雖不目擊鴈塔之勝然記  
往年舟經郡下嘗顧瞻其林姿谷態猶髣髴于中也夫  
雲雖觸石而生膚寸而起及其至也氤氲變態不崇朝  
而雨於天下其功誠大矣然而君子幼學壯行者庶將  
以成已而成物也不其若雲乎昔用中讀書鴈塔下見  
雲之來棲豈不曰是雲有澤物之功而常依于我我欲  
力學致用處於雲之下其可以不如雲乎今既出仕于  
朝則又豈不曰昔雲棲於鴈塔者無定形而吾身之居

于鴈塔者無定跡缺焉吾身奔走于外而雲常往來于  
前是吾身雖不在鴈塔而吾心未嘗不因雲而興懷于  
鴈塔也嗟乎此用中之所以善託物引意用志於高遠  
且將行其所學以及物也歟若夫鴈塔之奇偉棲雲之  
變態已見於諸公之述作者茲不復道

送鄭叔貞序

洪武丁巳先師太史宋公致政家居于蘿山紳始弱冠  
以契家子獲執汛掃役于公門公不鄙汲引而誨之每

賓客散後列弟子坐松濤室下歷數古今作者必曰吾  
於交友所見惟爾父一人而門人輩獨希直而已希直  
即令侍講正學方先生也紳時駭稚未知所云而識者  
知公之言為至論後二年公卒于蜀先生東歸天台旋  
出教授漢中今天子即位首召入翰林而名益著聞天  
下是時登先生之門者雖甚衆有若鄭君叔貞者先生  
里中子也資稟清粹力學好古為文辭如春空層雲變  
態百出如秋江長濤渺漫無窮非其才氣之贍固不至

此然叔貞雖不事表襮而其聲譽已藹乎縉紳間今年叔貞侍先生入京居數月念定省之職久曠惻然興懷促裝將還故里紳方以召命至相與周旋者信宿將別因為言曰夫天下之物成之難者器必大器之大者用必博萬斛之舟非尋丈之材一日之功所能為惟夫材良功就而成器也則必以之駕於長江巨海之上驚飈復浪之中而利濟之功大矣君子之為學豈異是哉是故極天下之書無不讀盡天下之理無不明蘊諸躬者

極其備養諸內者極其充於是以之齊家則家齊以之  
治國而國治以之平天下而天下平其設施布置豈庸  
人俗子所能窺測哉昔范文正公修學於泰山已有當  
世之志及出而用皆能行其志者闕

全宋文卷之五

卷五

繼志齋集卷五